

Date : 22 Mac 2018
Title : Uniten mahu lahir bintang hoki negara
Publication : Kosmo!
Page : 59

Uniten mahu lahir bintang hoki negara

NAIB Canselor Universiti Tenaga Nasional (Uniten), Datuk Profesor Ir. Dr. Kamal Nasharuddin Mustapha bangga dengan pencapaian skuad hoki wanita PKS Uniten-KPT kerana berjaya merangkul kejuaraan Liga Hoki Wanita Malaysia (MWHL) musim ini.

Menurut beliau, kejayaan bergelar juara itu tidak diraih dengan mudah, sebaliknya atas usaha keras barisan kejurulatihan dan semua pemain yang merampas semula gelaran itu sejak kali pertama memenangnya pada 2015.

Bagaimanapun, ketika itu mereka masih lagi menggunakan nama PKS-KPM sebelum ditukar kepada PKS Uniten-KPT setahun kemudian sehingga bergelar juara sekarang.

"Idea penubuhan pasukan ini bermula pada 2009. Bukan mudah sebenarnya buat sebuah pasukan IPT (Institusi Pengajian Tinggi) untuk menang kejohanan peringkat kebangsaan, apatah lagi untuk 'mencipta' pemain-pemain berstatus kebangsaan.

"Kejayaan ini (juara MWHL 2018) membuktikan PKS Uniten-KPT mampu melakukannya dan menjadi antara pasukan terhebat di Malaysia.

"Saya harap kejayaan ini akan diteruskan lagi pada tahun-tahun seterusnya. Tahniah sekali lagi saya ucapkan kepada semua pemain yang bertungkus lumus melakar kejayaan ini," katanya pada majlis penghargaan pasu-



KAMAL NASHARUDDIN (dua dari kanan) menyampaikan anugerah khas kepada wartawan Sukan Kosmo!, Muhammad Zuhaily Badlishah pada majlis penghargaan skuad hoki wanita PKS Uniten-KPT yang muncul juara MWHL di Bangi, Selangor kelmarin.

kan tersebut di Kampus Uniten, Bangi kelmarin.

Turut berlangsung sesi memperkenalkan skuad hoki wanita remaja SSTMI-PKS Uniten yang akan mengharungi saingan Liga Hoki Remaja Wanita Malaysia 2018 bermula 23 Mac ini.

Timbalan Naib Canselor (Hal Ehwal Pelajar dan Alumni) Uniten, Profesor Dr. Mohd. Zamri Yusoff percaya kejayaan 'kakak' musim ini tentunya membakar semangat SSTMI-PKS Uniten untuk mempertahankan gelaran dimenangi dua tahun berturut-turut.

"Matlamat utama kami untuk saingan liga remaja adalah muncul juara, sama seperti yang disasarkan kepada 'kakak-kakak' mereka sebelum ini," jelasnya.